


ឧបិកមិកា

AWIG - AWIG



ភូមិភាគឧត្តរ

**DESA ADAT GELIANG**

ភូមិភាគបឹងកោះ

**DESA PEMPATAN KECAMATAN RENDANG**

ក្រុងក្រចេះ

**KABUPATEN KARANGASEM**

## MURDA WAKYA

Om Swastyastu

Om Awignamastu Namu Sidham

Purwa pangastungkaran titiang Krama Desa Adat Geliang, ring bukpadan Ida Sang Hyang Widhi Wasa sangkan paraning dumadi, Bhatara-bhatari sane melingga ring Pura Kahangan sami sane wenten sajeroning wewengkon Desa Adat Geliang, dwaning melaran saking kerta wara nugrahan paduka Bhatara Samudhaya karya puniki prasida puput.

Kaping kalih hatur angayu bagia titian Krama Desa Adat Geliang ping hajeng ring ida dane para panglingsir, keliang, pinandita, mina kadi ida dane sang meraga cestakara didaddha pradnyan wicaksana sareng sami, sane sampun sangkaning sweca ledang sareng mapawangun ngripta uger-uger marupa Awig-Awig Desa Adat Geliang puniki, pacang kanggen sepat siku-siku sajeroning desa kaungkur wekas.

Taler majeng ring Pemerintah Daerah Kabupaten Karangasem, Para Manggala sane mastika ngiwang patutang Awig-awig, titiang ngaturang pangayu bagia dwaning sampun kasiddhan nureksa, maritetes saha mastika kantos merupa puput.

Mungwing daging ipun manut Tri Hita Karana, Indik Kahyangan genah ngadistana Ida Sang Hyang Parama Wisesa, indik pawongan pinaka karma desa. Indik palemahan punika wewidangan wewengkon desa mebantang antuk lekita sastra agama, sesana, paswara, dresta, minakadi sane sawosan, sane anut ring pamargin dharma agama kalih dharma Negara dumadak kasidan ngemangguhang kejagathitan sekala niskala.

Om Santi Santi Santi Om

## **PRATAMAS SARGAH**

### **HARAN LAN WEWIDANGAN**

#### **Pawos 1**

1. Desa puniki mawasta Desa Adat Geliang selantur ipun kinucap kalih kasuratang ring sajeroning lekita Desa Geliang.
2. Wewengkon prabumyan Desa Geliang mawaneng nyatur desa manut sekadi kinucap ring sor puniki :
  - ha. Ring Purwa : Panepin Desa Adat Besakih
  - na. Ring Daksina : Panepin Desa Adat Besakih
  - ca. Ring Pascima : Panepin Desa Adat Besakih
  - ra. Ring Utara : Wana
3. Sajeroning wewengkon Desa Geliang wenten banjar mawasta banjar adat lan dinas geliang

## **DWITYAS SARGAH**

### **PIKUKUH LAN PATITIS TATUJON**

#### **Pawos 2**

Maka pikukuh desa geliang ngarajegang, mikukuhin, kalih nindihin pisan :

1. Pancasila
2. Undang-undang Dasar 1945
3. Tri Hita Karana

#### **Pawos 3**

Desa Geliang Ngemanggehang patitis tatujon lwir ipun :

1. ngutamayang tata cara maagama hindu

2. ngwangun katreptian sajeroning Desa Adat mangde kasidan rajeg katreptianing praja.
3. ngwerdiang kewicaksanaan minakasi kapradnyanan maka larapan gumawe gemuh landuhing praja.
4. ngamanggehang kalih ngawerdiang druweyaning desa majalaran kewicaksanaan guna laksana manut dharma prawerti.
5. ngajegang dharma agama miwah Negara.

## **TRITYAS SARGAH**

### **SUKERTA TATA PAKRAMAN**

#### **Palet 1**

#### **Indik Krama**

#### **Pawos 4**

1. Sane kasinanggeh Krama Desa Geliang lwire:
  - ha. Sang sapasira hugi magenah ring wewengkon Desa Geliang lintang ring 6 sasih, sane rajeg maagama Hindu.
  - na. Sang sapasira hugi wed saking Desa Geliang jenek megenah ring dura desa nanging kantun mipil ring Banjar utawi Desa Geliang, sane mula pagenahannya nguni.
2. Papalihan krama, kadi hinucap ring sor puniki:
  - ha. Krama Wedan , wong desa sane sampun jumenek tur medesa adat wit saking Luhurannya.
  - na. Krama Paron, wong wit saking dura desa sane sampun madue tanah karang paumahan tur sampun jenek 6 sasih.
  - ca. Krama Nyade, krama sane kapineh tan kasidan maayahan manut panglokikan Prajuru Desa Geliang sane katinutin antuk krama sajeroning sangkepan, wenang luput paayah-ayahan lan papeson, luire :

- 1) sangkaning mapinunas ngraga tur sampun kalugra antuk prajuru.
  - 2) mabukti sungkan rahat tur tan siddha waras
  - 3) antuk lingsir tan siddha maayahan mapayusa 65 tahun
  - 4) sangkaning kakundulan
- ra. Deha Truna, krama desa sane durung mipil ring banjar utawi Desa Geliang sekadi truna-truni sane kantun kukuhub antuk krama wedan utawi paron.
- ka. Krama Balu/Nyapian, krama sane sampun ten medue rabi sangkaning seda.  
Krama Balu Iwire : Balu Camput lan Balu Mesentana
- da. Krama Dura Desa, sang sapa sira hugi wed saking desa geliang jenek magenah ring dura desa nanging manggeh mipil ring banjar utawi desa geliang sane mula pagenahannya nguni.
- ta. Krama Tamyu, sang sapa sira hugi saking dura desa jenek megenah ring wewengkon desa geliang ten ngawengku karang paumahan madunung ring paumahan krama desa, magenah ring paumahan duwen guru wisesa, hotel miwah salwiripun makekubon ngenahin tegal nanging kari manggeh makrama desa ring kemulan desannya kabuktiang antuk surat sasinahan saking kliang desaanya.
3. Tamiu, sang sapa sira hugi rauh ka jeroning krama desa geliang ten nekeh magenah irika sang sane nerima tamiu patut matur supeksa ring prajuru desa geliang kalih ring sang amawa rat. Yan ten asapunika prajuru desa wenang nundung jatma hinucap manggda matinggal saking desa geliang.

### **Pawos 5**

Ngawit tedun makrama desa, kadi manggeh ring sor:

1. Sang sapisira hugi sane sampun merabian, ring nuju rauh pesangkepan/paruman desa wenang masupeksa majeng prajuru desa tur kemanggehang tedun medesa ngawit punika.
2. Sang sapisira hugi wedan saking dura desa magenah ring wewengkon desa geliang sampun lintang 3 sasih katerag antuk untuk banjar utawi desa geliang.
3. Krama wedan saking desa geliang matinggal ka dura desa wastu malih mawali ka desa geliang :
  - ha. yan sangkaning rahayu kalih saking palugrahan prajuru desa patinggale nguni wenang mawali mipil ring banjar utawi desa nganutin sukertan desa punika.
  - na. yan ten sangkaning rahayu patinggale nguni yogya Bendesa sane katuju ngatengahang bawose ke desa mangda kabowosang antuk prajuru. Yan katinutin tatepasan prajuru desa tur kacihnahang antuk maguru piduka ring Pura Desa geliang prasiddha mipil pinaka krama desa.

### **Pawos 6**

Husan makrama desa melarapan antuk :

1. Seda
2. Sangkaning pinunas ngaraga saha polih palugrah prajuru desa
3. Tedah utawi tilar saking Agama Hindu
4. Kasepekang saha Kaheladang antuk desa.

### **Pawos 7**

Swadharmaning Krama Desa Adat Geliang lwire :

- (1) Krama ngarep mawed, miwah krama ngarep yogya keni urunan miwah paayah-ayahan mamungkul, nyanggra saraja karyan desa, manut hunggwan sowang-sowang.

- (2) Deha Truna, yogya ngaremba saraja karya, sane kapucukin antuk krama desa ngarep miwah krama tamyu, yan wenten pabuwat saking desa, kahunadikayang antuk prajuru desa.
- (3) Krama Nyada, tan keni ayah-ayah miwah papeson, nanging dados kaarahang pacang tedun ka desa, yan pabuat pacang mapapineh, mababawos ngawangun pangrancana salwire sane kabuatang antuk desa.
- (4) Krama desa ring dura desa, yogya ngaturang panahub ayah-ayahan ngemasa-masa senangken Redite Wage gung artha manut penghargaan beras 5 kg taler ngaturang dana pawangunan, ngayum wawangunan sane kadruwe antuk desa gung artha manut sakasidhan krama suka.
- (5) Krama tamyu Sane maagama hindu, yogya ngaturang penahub ke desa ngamasa-masa, satunggil pacaruan Tilem Sasih Kasanga gungartha manut penghargaan beras 50 kg, taler ngaturang dana pewangunan ritatkala desa mepawangun, ngayum wewangunan sane kadruwe antuk desa sakasidhan krama suka.
- (6) Krama Balu lanang keni ayahan lanang, paturunan sajaba bebanten, balu istri keni ayah-ayahan istri, paturunan rauhing bebanten, kawekas yan okane istri wiadin lanang sampun hantes maayahan patut krama balu punika maayahan matata turun cumek patch ring krama desa ngarep.
- (7) Krama sane tan maagama Hindu, tan sareng sapolikramaning agama Hindu, nanging tan wenang piwal ring awig-awig, paswaran desa, miwah pamutus pararem desa, sane ngindikang tata pawongan kalih palemahan tur keni urunan Rp 1.000.000 (ayuta) adiri ngasasih.
- (8) Krama desa samiyan yogya saturut ring daging awig-awig desa Putung, Paswara miwah pamutus pararem desa, ngutsahayang mangda kasiddhan mapikolih sakadi patitis tatujon desane kinucap ring hayun, tumus memangguhang kajagathitaning praja.
- (9) Krama desa sane pacang ngadol, ngantahang, maselangang, mekedihan, majegang, masewayang palemahan tegal, miwah sane sawosan sane magenah sajroning wawidangan Desa Adat Putung hugi mangda polih palugrahan saking prajuru desa, yan tan polih palugrahan, yogya indike punika kahandegang.
- (10) Yan wenten sinalih tunggal sang sapa sira hugi magenah ring wawidangan Desa Adat Geliang, tan makrama desa ring desa Geliang, tan kalugra ngalaksanayang Panca Yadnya ring wawidangan desa Geliang, tan kalugra nganggen salwiring druwen desa.

**Pawos 8**

Phala Pheksaning utawi Piilih-olihan Krama Desa Adat Geliang Iwire :

- (1) Krama desa samiyan sejaba tamyu, yogya polih pasayuban wiyadin pangoban saking desa, salwiring wyawaharanya yogya kabawosang antuk prajuru desa, manut tata titining wyawahara.
- (2) Krama desa samiyan sejaba tamyu, wenang nglaksanayang panca yadnya sajroning Desa Adat Geliang, manut desa kala patra, sastra agama, miwah nganutin sitan desa hinucap.
- (3) Krama desa ngarep mawed, krama desa ngarep, krama balu, wenang polih bebagian layuban aci-aci salwiripun, twas-twasan, miwah sawosan sane patut katiba ring krama desa manut panglokikan prajuru desa.
- (4) Mapawangkid, tan tedun maayahan, yogya saking panglokikan kalih palugrahan prajuru desa.

**Palet 2**

**Indik Prajuru Desa**

**Pawos 9**

(1) Desa Adat Geliang kahemong antuk Prajuru Desa Iwire :

ha. Bendesa

na. Petajuh

ca. Penyarikan

ra. Patengen

- (2) Sane wenang kahadegang wiyadin kamanggehang dados prajuru desa Geliang Iwire;  
ha. Krama ngarep mawed, sane jenek magenah, makrama desa, matata turun sahurah-harih ring Desa Adat Geliang;



na. Tan cedangga, sekadi peceng, perot, cungh, miwah sapanunggilan ipun sane katandangin kabakta saking wawa embas ;

ca. Wikan mamawos kalih nyurat aksara Bali utawi Latin

ra. Mabukti tan nahen malaksana corah.

(3) Pidabdab ngadegang Prajuru desa :

ha. Paruman utawi pasamuhan desa ngawentenang saseliran, pangawit paruman desa matujuang sang pacang kaadegang dados Bendesa , yan kantos lintangan ring adiri sane katuju antuk paruman desa, yogya pinilihan, sane akehan yogya turut.

na. Mungging ngadegang parnadhen keliang desa, panyarikan, Patengen, saking panyudin Bendesa , sane kabriyukin antuk paruman utawi pasamuhan desa, taler sane akehan yogya turut.

ca. Lamine madeg dados prajuru desa, wantah limang warsa ngawit saking dina pawintenane, sajaba kapadgatkalan minakadi sangkaning wenten wyawahara.

ra. Yan Sang sampun nahen madeg pinaka prajuru desa, wenang kasudi malih manut kadi dresta.

ka. Yan wenten sinalih tunggal piwal kalaning kasudi antuk paruman desa sang piwal punika wenang katiwakin panglokika, yan tan manut paksanya, kabawosan antuk paruman desa, yan jati tuhu paksannya, paruman desa wenang nyudi sane sawosan.

da. Prajuru desa patut mewinten majuaya-jaya ring Pura Desa Desa Adat Giliang, mungging dewasa pawintenan manut pamutus pasangkepan desa ritatkala ngadegang prajuru desa hinucap.

**Pawos 10**

Swadharmaning Prajuru desa :

- (1) Midabdabin desa, krama desa, pacang ngupadi kajagadhitan sekala niskala, maka darsana awig-awig desa, paswaran desa, pamutus pararem desa, nganutin sastra Agama Hindu, minakadi uger-uger nagara ;
- (2) Ngarancana salwiring usaha desa kaungkur, minakadi ngarancana salwiring sane nyandang pacang wangunang, sane patut hayum, manut lokika, desa kala patra sane mabuwat, mangda kasidan polih palugrahan guru wisesa;
- (3) Mamawosin salwiring wyawahara sane wetu sajroning Desa Adat Putung, niwakang tetimbang utawi pemutus bebawos sane yoga keputusang sajroning Desa Adat. yan tan kasiddhan kabawosan ring desa, prajuru desa mituduhang mangda ngaturang ring guru wisesa mangda kabawosan ;
- (4) Mratyaksa, nulingayang saparipolah prajuru desa, lwire : Kliyang banjar, Kliyang tempek, Kliyang pemaksan, Pemangku-pemangku desa, minakadi sane siosan sane wenten sajroning wawengkon Desa Adat Geliang ;
- (5) Midabdabin salwiring pemargin haci-haci ring wawidangan Desa Adat Geliang, taler nulingayang krama desa, indike ngalaksanayang Panca Yadnya.
- (6) Prajuru Desa wenang, nyanggra salwiring pituduh, minakadi saraja karya saking Guru Wisesa, werat utawi ringan, sane yoga, katiwak ring Desa Adat.
- (7) Pinaka duta pacang matemuang bebawos ring sang sapisira hugi, yan pandidikan punika kapineh nyandang pacang marginin ;
- (8) Wenang ngewangunang langlang desa, sane patut ngalanglangin seraja karyan desa, nulinga, katreptian sawawengkon Desa Adat Geliang ;
- (9) Wenang ngawangunang sekeha-sekeha sawosan, sane pacang ngarombo swadarma prajuru desa sane kabuwatang.

**Pawos 11**

Phala Peksaning utawi pioli-olihan Prajuru Desa :

- (1) Luput rarampen rikala ngaci ring kahyangan tiga miwah kahyangan desa

- (2) Polih twas-twasan atanding, sajaba duman krama
- (3) Wenang polih babagian pasolasan saking artha bhrana piolih-piolih guna kayan desa sane ngranjing ka Desa Geliang saking rahayu manut pamutus pararem.
- (4) Wenang polih pangelad lwire :
  - ha. Yan wusan sangkaning rahayu patut polih patulung pangelad saking desa manut pamutus pararem kala punika,
  - na. Yan sajroning kari madeg dados prajuru desa seda, pangelad kakaryaning antuk desa
- (5) Miwah piolih-olih sane sawosan manut pamutus pararem

**Pawos 12**

Prajuru Desa, kagentosin utawi husan, majalaran antuk :

- (1) Seda;
- (2) Mabukti sungkan rahat tur suwe;
- (3) Mapinunas sangkaning rahayu, saha polih lugraha skaing paruman desa;
- (4) Tutug sengker pangadage;
- (5) Sangkaning kahusanang antuk paruman desa utawi pasamuhan desa majalaran antuk wyawahara.

**Palet 3**

**Indik Sangkepan utawi Paruman, miwah Pasamuhan**

**Pawos 14**

Mungging sangkepan utawi paruman minakadi pasamuhan sajroning wawengkon Desa Adat Geliang, kadi ring sor puniki :

- (1) Sangkepan utawi paruman desa ngasasih, satunggil Redite Wage magenah ring Pura Desa. Sane wenang nedunin sangkepan punika lwire : prajuru desa, pamangku desa, Kelihan Tempek, krama desa minakadi sang sapisira hugi sane kabuatang antuk desa. Maka manggalaning mababawosan jeroning sangkepan utawi paruman manggeh Bendesa wiadin silih sinunggil prajuru desa saking palugrahan Bendesa .

- (2) Sangkepan utawi paruman prajuru desa, kawentenang patgatakala manut kabuatan desa magenah ring Pura Desa Geliang.
- (3) Sane patut nedunin sangkepan utawi paruman Prajuru desa punika lwire : Prajuru desa, Pemangku desa, minakadi sang sapa sirahugi sane kabuatang antuk prajuru desa.
- (4) Pasamuhan Desa Geliang kawentenang patgatakala, sasor ipun ngamasa-masa magenah ring Pura Desa Geliang. Sang yoga nedunin pasamuhan desa punika, pingajeng sang patut sareng sajroning sangkepan desa, saha krama desa maka sami.
- (5) Sangkepan Banjar, pamaksan pura, sekeha subak, miwah sekeha-sekeha sawosan, sane wenten sajroning Desa Adat Geliang kawentenang manut awig- awig, paswarannyane sowang-sowang, nanging tan dados sinarengan ring sangkepan desa minakadi pasangkepan prajuru desa.
- (6) Sangkepan utawi paruman desa patgatakala manut sakabuatan desa.

#### **Pawos 14**

Tata Kramaning Sangkepan utawi Paruman, miwah pasamuhan :

- (1) Pemargin cane utawi canang, tegap eteh-ete nyane, kemargiang manut kadi pagilih urak.
- (2) Yan kapatut pacang nganggen bebanten sakabuatan, prajuru desa, yoga mituduhang mangda cumawis, saha nyuksrahang pedagingan ring sang kapituh makarya banten ika.
- (3) Saya wenang nepek tengeran sapisan sadurung ngawitin sangkep ngraris ngembakang sengseng janggi, ngararis haturan punika kaantebang mabriyuk muspa sareng sami ngararis mababawosan kantos puput.
- (4) Babawosan sajroning sangkepan utawi paruman minakadi pasamuhan, hugi ngupadi karahayuan jagat, minakadi ngerajegang kamuruban Sang Hyang Widi, majalaran bhawa laksana manut catur dresta, lwir ipun : sastra dresta, kung dresta, desa dresta miwah loka dresta.
- (5) Yan wenten sinalih tunggal ngatengahang babawos, jroning sangkepan utawi paruman minakadi pasamuhan, yoga kadamyakang. Yan nyandang bawosin, yoga rinawosan. Yan tan nyandang bawosin, hantukang ring sang ngamimitin.
- (6) Sane kinucap pamutus babawos, wiyadin paswara sajroning sangkepan paruman minakadi pasamuhan, yan briyuk sapanggul hanut sang nyangkepin, yan tan sapunika, asing akehan

wenang turut manut panglokika. Pamutus babawos yogya kalekitayang, kalaksanayang manut hanggeran ipun.

- (7) Yan tan puput babawose sajroning sangkepan kantos ping tiga sangkepane, patut katengahang sajroning pasamuhan, pamutus babawos sajroning pasamuhan pinaka pamutus pamekas.
- (8) Sangkepan punika kabawos sampun puput, yan sampun keliang desa mitegesang pamutus bebaos sane sampun kacumpuhin ring krama desa, saha sampun mabacak.

**Palet 4**

**Indik Kulkul**

**Pawos 15**

- (1) Sajroning Wawengkon Desa Geliang, wenten bebacakan kulkul, kadi ring sor puniki :
  - ha. Kulkul desa;
  - na. Kulkul Tempeken;
  - ca. Kulkul sekeha-sekeha.
- (2) Mungging suaran kulkul punika, mangda mabina-binayan sawiji soang, manut sor singgih, yan wenten suaran kulkul pateh, karun wiyadin sawer, mangda kapastika salah sawiji antuk sang madruwe.
- (3) Nepak kulkul manut Tri Brata sandhi ; dharma, sima, laksana. teges ipun
  - ha. Dharma : swaran kulkul make cihna wiyadin tatenger upacara Agama wiyadin Yadnya.
  - na. Sima : swaran kulkul make cihna, wiyadin tatenger Panca Bhaya.
  - ca. Laksana : swaran kulkul maka cihna wiyadin tatenger patedunan.
- (4) Indik tetepekan kulkul manut pasobhaya, kuna dresta, minakadi paswara, sekadi :
  - a. Kepatian/Salah Pati/Pembunuhan : 000000000000 terus menerus/bulus
  - b. Kerampokan/Perampokan : 00 00 00 2x
  - c. Puun/Kebakaran : 000 000 000 3x
  - d. Bencana alam : 000 0 000 0 3x - 1

- e. Meuyutan/ Keributan : 00 000 00 000 2x-3x
- f. Lakalantas : 0 000 0 000
- g. Ronda : 0 000 0 000 1x-3x
- h. Aman : 0 0 0 0 setiap jam

(5) Hunggwan Nepek Kukul :

- ha. Yan nepek kukul tatenger patedunan, hugi kukul sane kadruwe antuk krama, sane pacang tedun, katepek antuk sang patut ngukulang.
- na. Yan nepek kukul tatenger panca-bhaya. Wenang sahunggwan-hunggwan, asing nampek genahe. Wenang katepek antuk sang rihinan manggihin bhaya punika, minakadi sangkaning patuduh sang ngawiwenangang.
- ca. Yan nepek kukul tatenger upacara agama, Dewa Yadnya, Bhuta Yadnya, Manusa Yadnya, Pitra Yadnya, wenang kukul sane wenten ring swang-swang genah upacarane. Yan nyelang kukul sawosan patut wenten palugrahan sang ngawiwenangang.
- ra. Yan kalaning ngalungayang Bhatara, Mendak Bhatara, Bhatara turun kabeh, kalaning pacaruwan desa, sami kulkule sajroning desa, dados swarayang, tatepekan manut krama.
- ka. Yan wenten sinalih tunggal mamurug, nepak kukul tan manut krama, yogya kabawosan antuk prajuru desa, katiwakan panglokika, saha pamidandha manut paswara.

**Palet 5**

**Padruweyan Desa Adat Geliang**

**Pawos 16**

Sane kadruwe antuk Desa Adat Geliang lwire :

(1) Pura Kahyangan Tiga

ha. Pura Puseh,

na. Pura Desa,

- ca. Pura Dalem miwah Prajapati
- (2) Pura Kahyangan Desa Iwire :
  - ha. Pura Dukuh
  - na. Pura Ulun Suwi
- ca. Pasucian Ida Bhatara magenah ring getas desa Pempatan
- (3) Setra Desa Adat apalebahan, minakadi setra pangilang-ilangan.
- (4) Palaba pura malinggah 90 hektar.
- (5) Gong abarung,
- (6) Lekita-lekita Iwire : pipil krama, awig-awig, paswara, miwah pamutus pararem desa
- (7) Ilen-ilen wali pura Iwire : rejang, pendet
- (8) Pralingghan Ida Bhatara
- (9) Tatentenan
- (10) Lembaga Perkreditan Desa miwah CBD
- (11) Palemahan sane kahanggen karang pamohan, telajakan karang, margi, sajroning Desa Geliang.

#### **Pawos 17**

##### **Pioli-oli Desa Adat Geliang:**

- (1) Pamupun tanah palaba pura, minakadi tegal druwen desa sane kagamei antuk krama desa sowang-sowang.
- (2) Urunan, panahub, pakenin-kenin pakaryan krama desa,
- (3) Haturan, dana punia,
- (4) Tiga sane tanah habutan, tanah ayahan desa.
- (5) Pioli-oli saking LPD, miwah CBD
- (6) Pioli-oli saking usaha, guna kayan krama desa, minakadi sawosan saking patut rahayu.

**Palet 6**

**Laluputan**

**Pawos 18**

- (1) Luput punika mapiteges nenten keni rarampen utawi raramon lwire : ron, busung, saang, klansah, tiing, miwah babanten sane dados hemponan krama desa sareng sami
- (2) Krama Desa Adat Geliang sane luput lwire :
  - ha. Prajuru desa,
  - na. Pemangku desa,
  - ca. Sang sapasira hugi sane kapineh antuk desa patut nyandang polih leluputan, manut paswara.

**Palet 7**

**Dedosan Patedunan**

**Pawos 19**

Dedosan patedunan, sangkepan, tedun makarya miwah sane sawosan, nganutang sukreta sowang-sowang lwire :

- (1) Yan Desa Adat madruwe patedunane, yoga nganggen sukretan desa, sane kagaduh antuk desa, dadosan ngranjing ka desa.
- (2) Yan patedunan pacang makarya ngaryanin karyan desa, dadosan ipun ngaranjing ka desa
- (3) Yan patedunan sajroning tempek ngaryaning karyan tempek, dadosane ngaranjing ka tempek sowang-sowang
- (4) Yan subak madruwe patedunane yoga nganggen huger sukretan subak, sane sampun kagaduh antuk sekeha subak, dadosane ngranjing ka subak.
- (5) Yan sekeha-sekeha sawosan madruwe patedunane, yoga ngangge huger sekeha sowang-sowang dedados'ane ngranjing ka sekeha.
- (6) Yan wenten krama sinalih tunggal tan tinut ring tatepasan miwah dadosan punika, wenang, babawose katengahang ka desa, prajuru desa yoga mamawosin.



- (7) Agung alit dadosane, sane katerapang ring wawidangan desa Putung Iwire : ring desa, ring banjar-banjar, ring tempek-tempek, ring sekeha subak, minakadi sekeha-sekeha sawosan, mungguh sajeroning paswaranya sowang-sowang, saha maceciren palugrahan prajuru Desa Adat Gellang.

**Palet 8**

**Indik Bhaya**

**Pawos 20**

- (1) Sane kinucap Panca-bhaya, lwiripun : jiwa bhaya, agni bhaya, toga bhaya, artha bhaya, bhayu bhaya.
- (2) Salwiring bhaya wenang gegerak antuk swaran kulkul.
- (3) Sang sapa sira hugi krama desa sane manggihin, wiyadin huning ring panangkaning bhaya, ring kang katiben bhaya, wenang ngegerak nepek kulkul manut indik kakulkulan bhaya, raris damyakang ring wadesa.
- (4) Ri kala wenten swaran kulkul bulus tatenger bhaya, krama desa patut yatna, sayaga, saha sregep ngamong prabot wiyadin gagawan sowang-sowang.
- (5) Yan sampun tatas ring bhaya punika, krama desa patut matetlung nambakin, wiyadin ngamesehin baya punika manut hunggwan, kalih manut patuduh sang yoga ngawiwenang.
- (6) Sang sapa sira hugi tan kawasa majajabur utawi majajarah ri kalaning desa, krama desa, katiben bhaya. Yan wenten sinalih tunggal kacirenan mamurug, yoga katengahang ka desa, wiyadin katur ring sang amawa bhumi, mangda kabawosan.
- (7) Yan pinganan bhaya punika sampun kapineh nahnah, tan pacang nyengkalen, wenang kacihnayang antuk swaran kulkul lambat atuludan, wiyadin pasiyar saking sang ngawiwenang.

**Palet 9**  
**Indik Rarampagan**  
**Pawos 21**

Sane wenang rampag minakadi hunggwan kalih pidabdab ngarampang, mungguh sajroning paswaran desa Geliang, taler manut ring dresta kuna.

**Palet 10**  
**Indik Panyanggran Desa**  
**Pawos 22**

- (1) Seraja karya desa kasanggra antuk krama desa, kahunadikayang antuk prajuru desa, karembe antuk kelihan-kelihan tempek.
- (2) Yan wenten krama desa ngawangun yadnya, suka duka, kengin nunas panyanggran tempek minakadi panyanggran desa.

**CATURTAS SARGGAH**  
**Sukreta Tata Palemahan**  
**Palet 1**  
**Indik Tegal Miwah Karang**  
**Pawos 23**

- (1) Palemahan Desa Adat Geliang, mahuger antuk Tri Mandhala, lwire :
  - ha. Uthama mandhala : palemahan sane kaanggen karang pura, wiyadin parhyangan
  - na. Madya, mandhala palemahan sane kaanggen karang pomahan, genah wawangunan, sekadi banjar, sekolah, kantor, rumah sakit miwah sane sawosan.
  - ca. Nista mandhala, palemahan sane kaanggen setra, margi, rurung, papunduk, telajakan karang, miwah sane sawosan. Sahanan palemahan sane wenten ring wawengkon Desa Adat Geliang, yogya mangde madruwe bebaledan wiyadin wates sane pasti.
- (2) Sakancan palemahan sane wenten ring wawengkon Desa Adat Putung patut madruwe bebaledan wiadin wates sane pastika.
- (3) Sahanan palemahan punika, hugi mangda madruwe margi, rurung, papunduk, sane dados hentsin.
- (4) Yan wenten pakarangan pura, pomahan, tegal, miwah palemahan sawosan kabebeng tan madruwe margi, rurung, miwah papunduk, sang madruwe patut ngatengahang babawose ka Desa. Prajuru desa yogya negdeg, ngutsahayang mangda polih margi malarapan sangkaning sami suka. Yan patut matumbas, manut pangargan tanah sane kamanggehang antuk sang mawa rat, sami katahur antuk sang mamuatang.
- (5) Yan Desa pacang ngalinggahang margi, setra, ngalinggahang margi, rurung minakadi makarya margi, rurung desa saking sampan hingkup paswaran Desa, yan nganggen tegal, miwah palemahan sawosan wenang tan nawur penghargaan tanah punika, taler yan madaging tetanduran desa tan nawur prabeya tatanduran punika, nanging yan madaging papayon, wewangunan salwire, desa patut ngicen prabeya agung alit manut pamutus parembug Desa kala punika.

- (6) Sahananing karang pomahan hugi mangda masengker. Pidabdad nyengker, magaleng ka teben. Panyengker sane sisi kauh, miwah sisi kelod, patut kakaryanin antuk sang ngenahin karang punika. Sajaba karang ngele, wiyadin lingkehin rurung, palemahan suwung.
- (7) Sang sapasira hugi ngenahain karang tegehan, patut naku, tegehe asukat natañ dangsah, sane tebenan, wenang nyusunin tembok.
- (8) Telajakan karang patut kapiyara antuk sang ngenahin karang punika sowang-sowang, mangda mapikenoh tur kanten hasri.
- (9) Yan wenten sinalih tunggal nyadya nyaleksek wiyadin ngaleklek babaledan salwiring babaledan wiyadin wawatesan, lwire : babaledan wiyadin wates pura, karang pomahan, tegal, setra, jlingjing, margi, rurung, papunduk, miwah sane sawosan, yogya katiwakan dandha manut werat ringan kahiwangane, saha mahayu sane kaseleksek wiyadin kaleklek, kalih mrayascitta sakabwatan sane nyandang katibanan panyangaskara, indik negdeg wawatesan utawi babaledan manut dresta kuna.
- (10) Yan hana sinalih tunggal ngaletihin, ngarucakin, ngrobodin, ngararabin, palemahan liwaring pomahan padruweyan nyane, lwire : ngutang luu, bangkaan, miwah salwiripun, nyorongang babanyon, yogya katiwakan dandha gang artha manut paswara, tur mahayu sane kaletahan, karucakan, karobedan, raraban hinucap ring ajeng, saha mrayascitta sane nyandang kepi. panyangaskara.
- (11) Yan wenten anak ngenahin palemahan sajroning wawengkon Desa Adat Geliang tan tinut makrama Desa nganutin awig-awig miwah paswaran desa, tan kalugra nganggen salwiring padruweyan desa, tan kalugra ngalaksanayang panca yadnya sajroning desa Geliang. Yan tekaning kapatiyan dados sahubang utawi pendhem ring setra pangilang-ilangan, tan polih panyanggran tempek banjar minakadi panyanggran desa.
- (12) Yan wenten anak tan ma Agama Hindu ngenahin palemahan sajroning Desa Adat patut nganutin Paswaran Desa Adat Geliang.
- (13) Tanah ayahan desa dados adol ring prati sentana desa murwa sane mawilang 57 diri.

**Palet 2**  
**Indik Kakayonan**  
**Pawos 24**

- (1) Ngawit nandur kakayonan tanem tuwuh, patut adepa agung ngajeroang saking wates, prade jantos ngaliwat wates carang ipun wenang kasepat gantungin
- (2) Tan kalugra nebtob, ngarebah wit-witan salwir ipun, ring palasan, pategalan, habing, tangkid, miwah genah sawosan sane kakeker antuk desa, yang wenten sinalih tunggal mamurug katiwakan dandha manut lokika, manut paswara tur taru sane karebah mantuk ka desa, sasampun polih palugrahan saking sang amawa rat.
- (3) Salwiring wit-witan sane sampun kacirenan wiyadin kasewenin antuk desa, pacang mangge mamapawangun ring desa, pradene punika ka rebah antuk sang madruwe, yogya sane madruwe katiwakang dandha, manut lokika, manut paswara, taru wiyadin wit-witan sane karebah mantuk ka desa, wiyadin ngetang pangarga.
- (4) Yan wenten wit-witan wiyadin kakayonan ngungkulin palemahan anak sawos, sane ngawinang tiyeb, tampyas, ngarobedin, asing kungkulan wenang ngetengahang ka desa, prajuru desa maritetes saha mituduhang sang madruwe mangda ngrancap, nebtob, wiyadin ngarebah. Yan kantos ping tiga pituduh desane tan kalingu, wenang katiwakan dandha sang anikel tuduh, gong artha manut paswara. Kakayonan punika prasiddha karebah antuk desa picundhangan.
- (5) Sang keni pamidhanda panyanggaskara saha prabeya manut pamutus pararem. desa marep ring wawangunan sang karubuhin lwire :
  - ha. Sang nruwenang wit sinanggeh mayanin, prade pungkat ngarubuhin wawangunan krama siosan
  - na. Sang notor, munggul utawi ngarebah taru sane ngarubuhin wawangunan krama siosan
- (6) Tanem tuwuh miwah tatanduran sawosan jroning karang pomahan, tan kalugra tegeh ipun litangan ring jan palit solas, wiyadin limang meter. Bungkil ipun adepa agung, wiyadin kalih meter tengah, saking panyengkere ngejeroang. Yan mamurug, wentenraris ngatengahang ka desa, yogya sang mamurug katiwakan dandha gung artha manut paswara, saha ngarebah, sajroning tigang rahina saking pamuput babawose.

- (7) Kakayonan jroning karang pomahan hugi mapyara mangda tan ngaletihin ngarobedin, mamayen karang sawosan, saking akah kantos dawun ipun. Yan wenten mamurug, tan tulinga ring kakayonan duwe, wenten ngatengahang ka desa, Prajuru desa yogya maritetes, saha nepasin manut panglokika kalih paswaran desa.
- (8) Yan wenten taru mentik kantos ageng ring babaledan, wates, salwiring babaledan mwan wates, wenten ngatengahang ka desa, patut taru punika karebah, raris pinara tiga, apahtigayan mantuk ka desa sang madruwe babaledan apahtigayan sowang-sowang.
- (9) Yan wenten sinalih tunggal nundungin tanem tuwuh, kakayonan, sane kaswatah pacang mamayen, wenang kabawosang ring sang madruwe. Yan hakas sang madruwe, yogya katengahang ka desa. Prajuru desa negdeg tanem tuwuh wiyadin kakayonan punika. Yan manut panglokikan prajuru desa yogya tundungin, taler hakas sang madruwe, patut sepat gantungin. Yan jati kadi panywatahe, yogya sajroning tigang dina, karebah picundhangan. Sang madruwe katiwakan dandha gung artha manut paswara, dosane anikel tuduh. Yan tan yukti kadi panywatahe, sang ngatengahang katiwakan dandha gung artha manut paswara dosanne angadakaken nora, tanem tuwuh wiyadin kakayonan punika tan karebah.
- (10) Yan wenten sinalih tunggal nyadya nandur pijer, turus, salwiring tanem tuwuh wiyadin kakayonan sane pacang dados ageng, nesek ring babaledan, ring wates, papunduk, hugi mangda masupeksa ring Prajuru Desa, kalih ring panyanding sowangsowang. Yan tan kalugra, tan kapisukayang, pradene wenten mamurug, yogya sang mamurug katiwakan dandha gung artha manut paswara, tur ngamademang tatandurane.
- (11) Yan wenten krama nandur pijer minakadi tatandur sakadi poh, cengkeh, juuk, salak, miwah sane sawosan sane tuwuh ipun panjang, ring tegal sasakapan, hugi mangda makarya pasobaya ring sang madruwe tegal hinucap. Yan durung pingenan mawoh tatanduran punika, durung nahen ngalpin woh ipun pinih sor limang pelabuh, sejabe sangkaning kahiwangan penyakap, raris kajabutan, yogya sang madruwe tegal nahur panjala sawit - sawit, gung artha manut paswara.
- (12) Sang sapa sira hugi nyakap tegal, tan kawasa ngarebah tatanduran sane dados anggen lakar wawangunan, yan tan polih lugra saking sang madruwe tegal punika.
- (13) Yan wenten wit-witan sajroning pategalan rebah antuk kapanca bhaya tan dados kajarahin antuk sang sapa sira ugi, yen wenten mamurug keni pamidandha manut panglokika.

- (14) Tan dados marereh-rerehan salwire ring tegal tani druwe, tegal tan sasakapan druwe, yan tan kapisukayang, yan wenten mamurug, wenten raris ngatengahang ka desa, keni pamidandha manut panglokika.

**Palet 3**

**Indik Wawangunan**

**Pawos 25**

- (1) Sang sapa sira hugi krama desa, sawewengkon desa Geliang, yan pacang ngwangun panyengker karang pomahan, patut masupeksa ring panyandinge. Yan tan radin, yogya nunas degdegan ring Prajuru Desa. Prajuru desa negdeg saduhajeng ring sang mawicara.
- (2) Wawangunan ring palemahan pecak tegal, palemahan suwung, sane sampun masanggah pawon, palemahan punika prasidha kabawos karang pomahan, dwaning sampun katiwakan pangupakaran karang. Awanan patut madruwe rorong betel ka marggi agung, sukat dados pacang ngalintangang papaga, dwaning tan kapatut ngalintangang sawa ring cariik, tegal. Yan wenten mamurug, yogya prajuru desa niwakang tatepasan, mangda sang mamurug mrayascita, palemahan hinucap sane kalintangin.
- (3) Yan tan masanggah panghuluning karang, kabawos akakubon. Tan yogya genah ngraksa sawa. Yan wenten mamurug, yogya katiwakan pamidandha mangda mrayascita palemahan punika.
- (4) Yan wenten sinalih tunggal sang sapisira hugi, pacang ngwangun wawangunan genah ngelaksanayang upacara Agama, lwire : Pura, Masjid, Gereja, Wihara, miwah ane sawosan, hugi mangda wenten lekita palugrahan Prajuru Desa, kalih lakita palugrahan Guru Wisesa. Yan wenten mamurug kadi kinucap ring hajeng, kabawos tan sida karya, tan wenang anggenen, tur wawangunan punika yogya wangdeyang.
- (5) Wawangunan jroning karang pomahan, hugi nganutin tri-mandhala. Utama mandhala, sanggar panghuluning karang, Madya mandhala, pagenahan mapumahan, Nista mandhala, ngaran lebu, jabayan.
- (6) Tan wenang ngungkulang capcapan wawangunan kajroning karang pomahan sawosan tani druwe. Yan wenten mamurug, wenten ngatengahang ka desa, yogya Prajuru desa negdeg,

saha nyepat gantungin. Yan jati lintang, sajroning salahe rahina saking puput babawose mangda sampun kapastika.

- (7) Tan wenang nganggen tembok umah wiyadin tembok panyengker tani druwe. Wenang ya kasambatsara antuk sang madruwe. Yan hakas tur mamurug sang kasambatsara, yogya katengahang ka desa, kabawosan antuk prajuru desa .
- (8) Sang sapa sira hugi pacang mapawangun nepi ring marggi agung, nepi ring rurung desa, yogya wenten lekita palugrahan saking prajuru desa, wiyadin lekita palugrahan sang amawarat. Yan tan polih lekita palugrahan, padgatakala wawangunan punika dados katundungan tan ngetang prabeyan tatundungan.
- (9) Sang sapa sira hugi krama desa ngawengku karang pomahan, yogya hurati myara kahosriyan lebuah pakarangannya, rurung pentasan pinih sor asukat karangnya ngalanjur.
- (10) Sang sapa sira hugi pacang ngawangun Hotel, miwah sapanunggilan ipun ring wawidangan desa Putung patut mewaneng pinih sor, satus depeha saking purapura sane wenten sajeroning desa. Saha hugi mangda wenten lekita pasobaya kalih lekita palugrahan saking prajuru desa kalih sang amawarat.
- (11) Sang sapa sira hugi ngawit pacang makarya wawangunan ring wawidangan desa Putung, yan kantos pacang ngamademang tetanduran tanem tuwuh sane kapineh ngalikadin mangda kawentenang karembug ring sang madruwe minakadi nawur panebas ipun.

#### **Palet 4**

#### **Indik Wawalungan**

#### **Pawos 26**

- (1) Sane kinucap wawalungan, sakancan buron suku pat sane nyadya kapiyara, sakadi bawi, banteng, kambing, kebo, misa, jaran, miwah sapanunggilan ipun. Taler watek makampid, sane nyadya kapyara, sakadi ayam, itik, angsa, dolong, miwah sabacakan ipun.
- (2) Sang sapa sira hugi krama desa sane myara wawalungan suku pat, sajaba, hasu, tan wenang ngalumbar. Sane patut matlusuk, mangda matlusuk. sane tan patut matlusuk, mangda mategul bawong. Sane patut maglogor, makandang, hugi mangda maglogor wiyadin makandang. Mangda tan ngarucakin, ngaletihin palemahan tani druwe, miwah mamayen



krama desa, jana pada. Yan hasu mangda mabelat, lwire makalung bawong, make cihna wenten sane myara.

- (3) Sang sapa sira hugi krama desa, myara, watek suku kalih, watek makampid, yatnain hugi, mangda tan banget ngarucakin, ngaletchin, palemahan, pomahan, tatanduran druwen anak sawos.
- (4) Tan wenang ngangonang, negulang, hingon-ingon ubuh-ubuhan, ring palemahan tan druwe minakadi tan sasakapan druwe, yan tan kapisukayang. Sang madruwe palemahan, Prajuru Desa, Langlang desa, Kliyang-kliyang, asing mamanggihin, wenang nyambatsara sang madruwe wawalungan ika. Yan hakas sang kasambatsara, wawalungan ika wenang taban. Prajuru desa yogya niwakang pamidandha, manut lokika, gung artha manut paswara.
- (5) Tan wenang ngangonang, negulang ubuh-ubuhan, ring palemahan karang pura, kahyangan salwir ipun, minakadi setra, rurung, papunduk, margi, tlqjal an karang, palemahan sane kapingitang, karang suwung, miwah sabacakan ipun. Yan wenten mamurug, Prajuru desa, langlang desa, kliyang-kliyang tempek banjar, prajuru desa sinalih tunggal, asing mamanggihin, wenang nyambatsara, saha naban wawaluingan ika. Katengahang ka desa, katiwakan dandha gung artha manut paswara, saha mahayu yan wenten karusak, tur mrayascita palemahan ika sane nyandang prayascitta manut panglokika.
- (6) Yan wenten maubuh-ubuhan sajroning karang pomahan, hugi tlajan mratyaksayang kandang ipun, mangda tan ngawetuwang bhaya, panyungkan. Taler mangda hapik guriten, siksa, mangda tan kantos ngaletchin, ngarobedin, nyerobohin karang pomahan wiyadin palemahan panyandinge. Yan wenten mamurug, tan priksa ring hingonhingon, miwah kandang ipun, wenang panyandinge nyambatsara, wenang katengahang ka desa, prajuru desa nepasin. Wenang katiwakan dandha manut panglokika kalih paswaran desa.
- (7) Sang sapa sira hugi krama desa, ngawangunang kandang wawalungan, buwat adol atuku, yan kandang ayam, itik, miwah sapanunggilan ipun, buwat naluhang, miwah adol atuku dagingan satus ukud. Yan kandang wawalungan suku pat lwire kandang banteng dagingan petang ukud, kandang babi, kambing dagingan adase ukud, sowangsowang, ika wenang jroning karang pomahan. Yan lintangan ring punika daging kandange, tan wenang wangunang jroning karang pomahan, yogya kawangunang ring palemahan sane mawaneng sa sor ipun satus depa saking palemahan karang pomahan, sekolah, kantor, Pura Kahyangan,

- (1) minakadi panyah sane kakoker wiyadin kapingitang antuk Desa Adat Cieliang. Tur mangda ngadawo lokika panyahantun saking sang amawa blumit.
- (2) Yan wenten wawalungan ngaruakin, ngerug tatanduran, wenang taban. Sang madruwe katiwakin dandha manut lokika panyahantun ka desa pramangkin, kabawosan antuk Prajuru desa, saha katiwakin dandha manut lokika panyahantun desa.
- (3) Yan godel kanyeng, godel ketay, godel misa, duning matlusuk, godel juran, kambing miwah sawakanipun duning panyahantun mategul, yoga salabatang ring sang madruwe.
- (4) Yan ketyek, angsa, dolong miwah sawamunggilanipun, ngaruakin tatanduran, taler wenang ngadawo lokika natsan, mangda mesaksi, saha kasupeksayang ka desa pramangkin, prajuru desa yoga manawasi, miwakang panyahantun manut panglokika.
- (5) Yan wenten wawalungan ngeleh, manegat ngaruajingin palemahan pura, kahyangan, setra, kang panyahan, miwah sane sawisan, lokikanen jage. Yan tan nyadya kalebang tan wenang taban.
- (6) Sang sawisita hugi tan kalugra maburu, medil miwah nyaring pakai sajroning desa Putung, sajabu buron sane kabawos merana, minakadi sane pacang maangge upacara yadnya yan wenten mamurug wenang katengahang desa pramangkin, kabawosan antuk prajuru desa saha katiwakin dandha manut panglokika, kalih paswaran desa.
- (7) Sawan dadandhan, dadosan, sane munggah ring ajeng, sami mantuk ka desa.

PANCAMAS SARGAH  
SUKERTA TATA AGAMA

Palet 1

Indik Dewa Yadnya

Kaping 1

Indik Kahyangan

Pawos 27

1. Pura Kahyangan Tiga lan Pura Dukuh Giliang kahemponin antuk Krama Wedan.
2. Pura-pura Kahyangan sane sawosan sane kinucap ring hayun, papayon kalih pengaci-aci kahemponin antuk krama pemaksan pura sane nyungsung Bhatara ring Pura Kahyangan punika.
3. Yan wenten kerecehan, wicara, sajeroning pamaksan pura, pasucian bhatara, subak, sinalih tunggal wenang ketengahang ka desa prajuru desa mawosin, nyahsahang, nepasin wicarane mangda kasiddhan mawali landuh jagate.
4. Ten wenang nguwah nguwuhin wawilangan palinggih bhatara sane sampun wenten ring pura kahyangan sowang-sowang mangda kantun manggeh kadi kuna.
5. Yan wenten pura kahyangan sinalih tunggal reneng pangaci-acinya kantos dasa warsa yogya prajuru desa mawosin, maritetes ngutsahayang mangda kasidan mawali kadi jati mula. Prade ten kasiddhan majalaran antuk pamutus pasamuhan desa prasidha desa ngawangunang pangupakara mralina pura punika mangda ten keranjingan kaumahin antuk Ki Bhuta Kubandha.

## Kaping 2

### Indik Pangaci-acu

#### Pawos 28

1. Indik pangaci-acu ring Pura Kahyangan sane wenten sajeroning wewengkon Desa Geliang kahemong antuk krama desa manut hemponan wyadin pamaksan sowang-sowang sajaba kahempon antuk krama desa wedan, swang-swang pura madruc gagaduhan pinaka huger pangaci-acu miwah babanten.
2. Sane yoga muput pangaci-acu ring Pura Kahyangan Tiga lan Dukuh Geliang wantah pemangku/pinandita Kahyangan Tiga Desa, sejaaning pangaci-acu sekadi mamungkah, ngengeg linggih miwah sapanunggalanipun yoga kapuput antuk Pandita Dukuh utawi Sulinggih.
3. Yan wenten sinalih tunggal pura durung madruc pamangku utawi pemangku kapiyang, dados nuwur sinalih tunggal pamangku kahyangan desa prade taler ten maridhayang patut nuwur Pandita Dukuh utawi sulinggih.
4. Pemangku desa punika wantah Pamangku Pura Puseh, Desa, Dalem, lan Dukuh sane wenten ring sajeroning desa Geliang kalugra nganteb banten piodal minakadi sane siyosan ring pura-pura sawewengkon desa geliang sane manuwatang taler manut kewenangan pemangku.
5. Ritakala desa ngwangun karya ageng muang karya siyosan ring pura kahyangan tiga lan dukuh, desa dados nyarad pemangku kahyangan tiga desa pacing ngarombo pemangku desa.

#### Pawos 29

Indik pangaci-acu ring pura parti, pamrajan, paibon, dadya mwang pura sejabaning hemponan desa, punika kehamongin antuk krama desa sajeroning seka dadia, pamrajan, manut sima drestanya sowang tan singsal ring ucaping sastra agama hindu.

**Pawos 30**

1. Aci piodalan, pangusaban minakadi pasegeh ring pura kahyangan tiga miwah kahyangan desa luire :
  - ha. Pura Dukuh ritatkala Purnama Kapat.
  - na. Pura Puseh ritatkala Purnama Kedasa.
  - ca. Pura Desa ritatkala Anggara Kliwon/Kasih Tambir.
  - ka. Pura Dalem lan Prajapati ritatkala Tumpek Kuningan
2. Pangaci-aci siyosan luire :
  - ha. Mungkah
  - na. Ngebekang
  - ca. Mecaru ring catus pata/perempatan agung ritatkala tilem sasih keenem
  - ka. Mecaru ring dulun setra ritatkala tilem sasih kesanga

**Pawos 31**

1. Aci-aci, piodalan ring pura Kahyangan Tiga lan Desa Geliang kasanggara antuk krama desa manut hemponan.
2. Luwiring bebanten, minakadi heedan upacara manut gegaduhan dresta kuna sowang-sowang pura.
3. Padagingan pacang aci-aci :
  - ha. Hupon-hupon tanah pelaba pura
  - na. Piturunan lan wawijilan krama desa
  - ca. Patigasana abutan tanah ayahan desa
  - ra. Pioli-oli pagunakayan krama desa
  - ka. Haturan-haturan sangkaning krama suka nirmala
4. Pasegeh tunggil kajeng kliwon, purnama, lan tilem kasanggara antuk pemangku sowang-sowang, padagingan saking druwen pura, pemaksan keantebang antuk pemangku sowang-sowang.
5. Rikala kabrebean jagate, kegeringan, ketiben panca bhaya, pinganan tan mresidayang ngaturang aci kadi patut, yoga prajuru desa miwah pemangku desa ngaturang piuning

ring Bhatara masadhana antuk bebanten pedatenga, pecanangan maka cihna tan pegat acine. Riwus mewali degdeg jagate patut ngwangunang upacara Bhatara Turun Kabeh masisir makakobok ke segara giri.

6. Ritat kala mamahayu, ngayum papayon, ring pura kahyangan, pinganan tan puput kala dinanning piodalan, pangacine wenang rangkadang nanging pedatengan pecanangan tan dados pegatang. Riwus puput masasapuh salwire malih mawali kadi kuna.

### **Kaping 3**

#### **Indik Pinandita/Pemangku**

#### **Pawos 32**

1. Ring sowang-sowang pura kahyangan patut ngadegang pinandita.
2. Pidabdab ngadegan pinandita sinalih tunggil :
  - ha. Ngambil saking saserod sentana wiadin keturunan.
  - na. Saking pamuwus sasemburan wiyadin nyanjan pinih alit ping tiga
  - ca. Sangkaning kajujuh saha kabriyukin krama desa Geliang.
3. Sang tan wenang keadegang dados pemangku luire:
  - ha. Cedangga luire: peceng, perot, cungh lan sapenunggalan ipun.
  - na. Mebukti sungkan rahat
  - ca. Mabukti nahen ngarug sasana minakadi melaksana corah
4. Sang sapasira hugi pinaka jan bangul utawi pinandita kahyangan tiga lan desa mangda pageh ngamel tur nglaksanyang sesana pinandita.
5. Sang sapasira hugi krama desa sangkaning saserod, kaseningan antuk Bhatara, polih pamuwus ring sesemburan, minakadi kajujuh kabriyukin antuk krama desa pacang kaanggen pinandita yan kari alaki rabi yogya lanang istri mawinten.
6. Sang kasudi pacang kaanggen pinandita patut mawinten ring Pura genahe dados jan bangul, mungguing prabea kasandangin antuk pamaksan pura sowang-sowang yan pinandita desa kasandangin antuk krama desa.

7. Pinandita patut madrue hamongan pura soang-soang yan tan madrue prasiddha kalugra ngantebang bebanten ring pura saluire, yening sampun polih lugraha saking pinandita pangemong pura hinucap.
8. Pinandita kahyangan tiga lan desa yan kateken pati yogya tiniwaken. Patut polih patulung prabea atiwa-tiwa saking desa yan pinandita siosan saking krama pura soang-soang, agung alit patulunge nganutin pamutus babawos sajeroning pararem kala punika.
9. Yan Pinandita wus tiniwaken patut kakaryanang pangelad utawi sengauk wyadin papegatan antuk desa utawi krama pura inucap. Punika yan pinandita kari rajeg ngamong swadharmaning pinandita kantos hantaka.
10. piilih-olih pinandita, luire:
  - ha. Pangolem
  - na. Muponin tegal pelaba utawi bukti pinandita.
  - ca. Panyolasan saking sarin canang.
  - ra. Luput rerampen/raramon sajeroning kantunpinaka krama wedan.
11. Swadharmaning pinandita luire :
  - ha. Ngenterang upacara puja wali utawi piodalan ring pura soang-soang sadurung upacara memargi.
  - na. Prade silih sinunggil pinandita kahyangan tiga lan desa kapialang utawi cuntaka kengin nuwur pinandita desa sane wenten sajeroning desa saking palugrahan prajuru desa.
12. Pinandita kagentosin majalaran antuk :
  - ha. Mapinunas mararyan saking patut pinunase nanging tan kari nglaksanayang dharmaning pinandita. Kawekas kalaning seda tan polih patulung prabea atiwa-tiwa.
  - na. Saking patut pinunase majalaran antuk lingsir sampun tan mampuh sungkan rahat tan kengin waras kajadayang antuk krama pura wyadin desa, kawekas kalaning seda polih patulung prabea atiwa-tiwa.
  - ca. Sangkaning kahusang majalaran antuk malaksana mamurug sasana pinandita, kawekas kalaning seda tan polih patulung prabea atiwa-tiwa.

Kaping 4  
Indik Sukertan Pura Kahyangan

Pawos 33

1. Rikalaning maturan hamung pamangku ring kahyangan punika sane dados munggah tedun ring pelinggih-pelinggih pura kahyangan hinucap minakadi sampun polih lugraha saking pamangku lan prajuru desa, yan wenten mamurug katiwakan danda mrayascita palinggih punika.
2. Pemangku sane patut ngantebang bebanten ring pura sinalih tunggil wantah sane kadrue antuk pura punika, yan nenten wenten pamangku ring pura punika utawi kapialang patut nuwur Pandita Dukuh utawi Sulinggih.
3. Tan kalugra mamisuh, mabawos pati kacuh, nguman-nguman ring sajeroning kahyangan wiadin pura yan wenten macihna mamurug keni danda tur mrayascita pura manut pamutus pararem.
4. Tan kalugra masumpah, macoran sajroning pura kahyangan sinalih tunggil sejaba sangkaning wicara pura hinucap taler saking pabuat krama pamaksan pura utawi krama desa pangempon.
5. Tan kalugra wak capala, hasta capala, pada capala miwah sapununggilan ipun sajeroning pura kahyangan, yan mecihna wenten mamurug wenten raris ngatengahang ring desa yogya tiniwakan danda pamarisuddha kahyangan.
6. Tan kalugra malaksana kantos ngawetuang biuta ring kahyangan, yan wenten mamurug sang kapineh sampun nama wirang kantos maywadi ring pura yogya tiniwakan danda gung artha manut pangargan beras 50 kg kang sawiji saha marisuddha kahyangan punika.
7. Sang sapisira hugi kacuntaka salwiring cuntaka yan durung mabersih tan kalugra ngranjing ka pura kahyangan, yan katenger wenten mamurug yogya tiniwakan marisuddha kahyangan punika.
8. Sedahan hengengan miwah sapununggilan ipun tan kalugra maseha ring pura kahyangan sinalih tunggil, yan wenten mamurug yogya yogya dandha gung artha manut paswara saha ngawangdeyang maseha tur mrayascitta pura.
9. Tan kalugra ngawentenang kaklecan jajuden, sajeroning pura kahyangan, yan wenten mamurug sang nglaksanayang katur ring sang amawa rat, tur kaklecan jajuden punika kawangdeyang keni pamidandha manut pamutus pararem.



10. Tan kalugra makta salwiring kasinanggeh tan suci/leteh ngranjing sajeroning suter utawi panyengker pura kahyangan yan wenten mamurug yogya mrayascitta pura punika.
11. Sang sapisira hugi rikala makemit ring pura kahyangan yan merem tan kalugra madukan lanang istri sejaba anak alit durung rumaja putra yan mamurug keni dandha manut pengargan beras 50 kg sadiri-sadiri taler mrayascitta pura punika.
12. Pemaksan soang-soang pura kahyangan sawewengkon desa geliang kalugra madruce sukerta sadiri-sadiri nanging tan dados singsal ring pasukertan desa.
13. Pura kahyangan tan wenang anggen sejaba nglaksanayang upacara Agama Hindu manut sastra agama ring Bali, yan wenten mabukti mamurug sang melaksana kawangdeyang tur pakardinniane kapuceh saha sang ngalugrahin kadandha manut mengargan beras 50 kg taler ngawentenang upacara panyangaskara pabersihan.
14. Sang sapisira hugi yan wenten macihna katedunan utawi kapangluh sajeroning pura kahyangan mababaos minangkenang pangandika Ida Ratu Sesuhunan utawi Bhatara ri gelis tunasang tirta laluputan mangda gelis udep. Prade sasampun kaketisin tirta kantung ngatemel masera-masero ngawetuang sumandeya kayun pamaksan irika patut pintonin, indik mintonin ambilang dupa sane sampun maenjit acekel tur keancungin sang sane kerahuan yan mabukti tan puwun nyandang gega pangandikan Bhatara punika.

### **Kaping 5**

#### **Indik Cuntaka lan Sosot**

#### **Pawos 34**

1. Sang sapisira hugi krama desa sane kahanan cuntaka tan wenang ngranjing ka pura, panyucian kalaning nyuci gening minakadi sekadi salwiring sane kinucap suci pingit, tan wenang ngaryanang salwiring saji sane pacang katur ka sanggar tawang sekadi suci gening minakadi banten salwiripun sane jaga katur ka pura miwah pitra pindha, mungguing banten sane pacang katur ka prajapati dalem panguluning setra dados kakaryanin ring umah sang cuntaka kalaning ngupakara sawa.
2. Lwir sane kinucap cuntaka :
  - ha. Anak istri kalaning ngrajaswala suwen cuntakane saking ngawit ngrajswala

- kantos nyat macihna sampun melukat.
- Na. Sang nganten lanang istri suwen cuntakane ngawit saking rahina panganten wyadin rahina merangkat kantos puput mabyokaon, maprayascitta lan melukat tirta.
- Ca. Rama rena cuntaka sangkaning madrue oka, sane lanang cuntaka suwenne saking embas anak alit kantos kepus hodel raris malukat, sane istri 42 rahina.
- Ra. Anak istri cuntaka sangkaning karuron pateh kadi madrue oka, nanging sane lanang 3 rahina.
3. Cuntaka mlarapan antuk kasedan utawi kapatian, luire:
- ha. Anak alit durung kepus hodel raris seda cuntaka 42 rahina.
- Na. Sang ngarepin minakadi sang magenah sajroning karang paumahan sang seda cuntaka ngawit seda kantos puput panglemek karyane punika mapendem lwih yan atiwa-tiwa macihnayang punah cuntaka antuk masesapuh manut dresta.
- Ca. Sang polih ninjo, ngarap sawa, ngamel saha ngarembat saeteh-ete upakara palalining sawa cuntaka dadinne, punah cuntaka macihnayang antuk melukat.
- Ra. Sebel karang dados margiang saking ngawit negtegang daging kantos Ida Bhatara masineb. Wewanengan sebel karang hamung ring sang magenah sajroning karang sane kacuntakan yan wenten dados pacang ngemargiang sebel karang, patut pendem makingsan kalaning wengi, tan polih panyanggran desa sajaba sang patut tan dados pedem.
- Ka. Sang sane polih nyembah sawa, mangan paridan sawa kasinanggeh cuntaka suwen cuntakane kantos wusan melukat.
4. Mamitra ngalang, cuntaka salamine mamitra ngalang.
5. Anak wetu sangkaning mamitra ngalang utawi tanpa widiwidana pawiwahan babinjat kasinanggeh cuntaka, cuntaka sadurung wenten sane meras wyadin nuduk ngangkenin pinaka pyanak utawi nganggen dadaman.
6. Sungkan tan prasida waras selamine kadi hangganing hila buduh ngawijilang reged saking silit bhaga purus tan henap mameres, berung borok tahunan mabanyeh, miwah salwir ipun, cuntaka salamin tan waras.
7. Cedangga sane kebakta saski wawu embas saking garbhawasaning ibu punika tan kawenang napak palemahan penyucian genah nyuci gening.

8. Naraksa Sawa utawi layon mapakayun ngarawuhin karya ayu atma wedana minakadi  
mubakti ring sang wenang kabhaktinin dados nanging tan wenang ngarap ngarembat  
nyawin ngamel sampakara puspa lingga.
9. Cuntaka anak naraksa sawa utawi layon napkala pagilih pangantosan ngaci-aci ring  
sinalih tunggal kahyangan desa pacaruan ring desa sadurung teteg senger cuntakannya  
wenang tan redin masyahan tan dinosan nanging yan wenten pesadok sang cuntaka ring  
prajuru desa. Yan wus wawijulan daging salwiripun yogya kataur mahetang pangarga.
10. Yan wenten sinalih tunggal krama desa durung tutug cuntaka kadi kinucap ring ajeng  
mamurug larangan, yan wenten ngatengahang ka desa prajuru desa niwakang pamidanda  
yogya sang mamurug marisuddha sakabuatan manut panglokika.
11. Yan wenten sinalih tunggal anak istri sangkaning tan meha ngrajaswala sasampun ring  
pura wyadin ring genah larangan siyosan raris kacirenan wenang ya tiwakin danda tan  
meba yogya marisuddha genah punika, katulung antuk pamaksan pura wyadin  
pangemong soang.
12. Cuntaka Gamyu gamaya, prajuru desa nyantosang pamutus sang amawarat, yan wenten  
pamutus saking sang amawabumi ring desa katiwakan danda lwire : mrayascitta raga,  
genah melaksana, kahyangan desa, miwah Desa Adat. Prade yan sang katiwakan  
pimidandha mamandal kabowosang ring desa kicen pamutus antuk prajuru desa manut  
pamutus pararem.
13. Cuntaka mabukti salah timpal, cuntaka ragan sang mlaksana miwah desa pagenahannya,  
tung cuntakan yan sampun mrayascitta panyangaskara raga, genah melaksana, lan desa.  
Buron sane kaangge somah kapademang tur katanem.
14. Anak istri mobot tan kapriangken antuk lanange cuntaka kantos wenten pangupakara  
panyangaskara kulawisuddha, anak istri sane mobot mawidhi widhana pawiwahan  
masanding keris pinaka lingga sang kedalih.
15. Anak istri mobot tan kapriangken cuntaka kantos embas rare saha wenten upakara  
kulawisuddha.
16. Cuntaka nyolong smara patch kadi gamya gamana.

**Pawos 35**

**Indik Sosot**

1. Naur sosot wyadin punagi, salwiring punagi gumanti sane patut nganggen pemegat sot tan dados naur sot yan tan kalaning dina piodalan Bhatara. Nngamolas rahinayang aci-aci sang pacang naur punagi patut sampun masadok ring pemangku pura yan ring kahyangan desa panaurane masadok ring pemangku miwah prajuru desa panaur punagi punika wawu kelaksanayang yan sampun puput pangodale.
2. Ngaturang sasangi pacang ngaturang pangodal hugi mangda ring dina pangantosan piodal, sang naur punagi wenang nunas kanti patulung karya ring pamaksan pura nyukserahang daging cumek prebeyaning pangodal ring pamaksan pura.
3. Maturan swara tangguran salwiring tatabuhan sasolahan minakadi salwir ipun mungguing prebya kaangganing antuk sang mesasangi.

**Indik Haturan**

Sang sapisira hugi ngaturang jinah, barang punika patut kahunadikayang antuk prajuru desa kliang pamaksan pura soang-soang mangda kasissdhan mapwara ayu aturan punika kaungguhan ring sajeroning lekita.

**Indik Sarin Canang**

Sasampun puput pangaci-aci pujawali sasarin canang punika kapupulang saha kawilangin antuk prajuru desa keliang pura indik tatiwak kalih pamargin ipu sangkaning jati nirmala.

**Palet 2**

**Indik Rsi Yadnya**

**Pawos 36**

1. Krama Desa Gellang yogya ngawerdyang kapradnyanan, kaultaman Sang Hyang Aji, asewaka nunas pawarah ring sang maraga widagda pradnyan, ping hajeng ring sang sinanggeh guru loka.
2. Prajuru Desa, Kelihan Banjar ngutsahayang kawreddyan kamuruban kaultaman Sang Hyang Aji, ngwentaenang pesamuhan-pesamuhan, parembugan pinaka genah krama ngemangguhang pewarah-warah.

3. Kalaning dewasa ayu wenang desa metirtayatra wenang ngaturang punia miwah rsi antuk Ida Sulinggih taler ring karya utama ring desa salwiring karya sane kaputus maweh dana.
4. Sang sapisira hugi krama desa geliang yan mapakayun pacang mapodgala taler mangde wenten pesadok pamiuning ring prajuru lan pura kahyangan tiga desa sajaba patut polih palugrahan saking Guru Wisesa.
5. Prajuru desa geliang mamatut pisan yan kramam mapunia ring sang widagda pradnyan, ring sang satata ngrajeng dharma ping ajeng ring Ida Sulinggih pasuryannyane soang-soang.

### **Palet 3**

#### **Indik Pitra Yadnya**

#### **Pawos 37**

1. Pamargi ngupakara sawa hugi manut linggih sastra agama hindu. Wenten makudangha. kudang soroh minakadi :
  - ha. Mapendem ring pratiwi
  - na. Atiwa-tiwa utawi Ngaben
  - ca. Yan Rare durung makupak untu wus kepus odel antaka wenang ngangge pangentas bangbang masadana klungah kelapa gading ngaran nglungah ten wenang tiniwaken.
  - ra. Yan rare during kepus odel antaka pamali ngaran, pendem juga tan hana pangupakarannya kawala ganten utawi adem paica Ida Sulinggih.
2. Sang sapisira hugi krama desa tan kawasa makta sawa ke desa geliang yan sawa punika sampun keni pangupakara sawa yan wenten mamurug yogya katiwakan danda mrayascitta marisuddha desa.
3. Salwiring upacara atiwa-tiwa utawi ngaben ring setra hugi kewenangannya tan wenang ring desa, yan wenten mamurug wenang danda marisuddha desa krama desa sang atutulung danda gung artha manut pangargan beras 50 kg kang sadiri saha mrayascitta desa.
4. Yan wenten krama desa ngurug sawa macamana mabersih kawenangannya tan kalugra lintang ring asasih ngawit saking dina sedane, yogya murnama tilem miwah upacara salwiring upacara rarahinan yan kalaning ngurug sawa sajeroning desa kawangaunang karya agung kantos nyuci gening lwire matabuh gentuh, bhatara turun kabeh karya agung ring Besakih yogya tumpang salune tendunang saking bale genahang ring natah umahe saking Bhatara kodal kantos masineb.
5. Tan wenang nyekah sawa yan tan macamana mabersih lintang ring roras rahina ngawit saking dinane seda, yan wenten mamurug danda gung artha manut pangargan beras 50 kg saha mrayascitta desa.

6. Sang sapasira hugi krama desa geliang tan wenang atitiwa rikala pangaci-aci desa lwire :  
patirtan, patatoyan, Bhatara Turun kabeh lan metabuuh gentuh :  
ha. Yan piodalan ring pura dukuh lan kahyangan tiga desa saking tigang rahina aci  
kantos Ida Bhatara masineb.  
na. yan karya matabuh gentuh bhatara turun kabeh, minakadi salwiring karya sane  
nyuci geni saking ngawit nyuci kantos Bhatara puput masineb.
7. Yan wenten krama mendem sawa kalaning dina malarang kawasa nanging hugi masawen  
during magegumuk laku kingsan ngaran sasampun polih lugraha saking prajuru desa.
8. Yan mekingsan ring geni sawa geseng hasti hinayut manut krama, yogya ngange tirta  
pabersihan. Mungguing dewasa sor ipun dados marginin mendem sawa.
9. Indik padewasan :  
ha. Yening wenten krama desa geliang sane madue kapatian patut masadok ring  
Bendesa .  
na. padewasan mendem ring pratiwi wenang katiwakang antuk prajuru desa.  
ca. padewasan atiwa-tiwa katiwakang antuk Ida Sulinggih sane pacang muput  
yogya sampun kapatut antuk prajuru desa.
  - 1) Indik larangan ngupakara sawa sajaba ngunggahang ke tumpang salu sane  
kamanggehang sajeroning desa geliang lwire: **Semut Sadulur**: Budha Wage,  
Saniscara Kliwon, Redite Umanis, Sukra Pon, Saniscara Wage, Redite Kliwon  
ika, **Kala Gotongan** : Sukra Kliwon, Saniscara Umanis, Redite Paing. Yan  
ring dora muah tanggal panglong ping 1, 14 lan 15, wrespati nuju tanggal  
panglong ping 1,8, wrespati ingkel wong, ingkel wong awuku. Yan wenten  
mamurug danda gung artha manut pangargan beras 50 kg saha mrayascitta  
desa.
  - 2) Mendem sawa utawi makingsan ring geni tan kadadosang sadurung jam kalih  
sore yan laku kingsan majalaran antuk wali utawi aci-aci patut kalaksanayang  
kalaning wengi tan nyuarang kulkul.
  - 3) Mendem sawa tan kadadosang ritatkala wenten krama desa sane nanging  
utawi ngebet sawa nanging makingsan kadadosang.
  - 4) Sang sapasira hugi jagi mendem utawi atiwa-tiwa sajeroning setra desa  
geliang lintang ring adiri kalaning dewasa tunggil mangda sinarengan, yan  
wenten mamurug danda manut pangargan beras 50 kg saha mrayascitta desa.
- ra. Tan wenang ngagah ngulung teges ipun sajeroning setra tunggil tan dados  
mersihin sawa nuju dina pangutangan yan sira setra punika wenten  
nglaksanyang pengabenan, yan wenten mamurug danda gung artha manut  
pangargan beras 50 kg.

10. Tan dados ngebet sawa sedina-dina. Teges ipun ; sajeroning setra tunggil yan wenten ngebet lintang adiri nyawa preteka utawi pranawa sang pacang nyawa prenawa patut mamurug danda gung artha manut pangangan beras 50 kg.
11. Yan wenten sawa tan kapariangken ring wewengkon desa geliang ingaran bedaga desa wenang kasukserah ring sang amawa rat saha krama desa wenang mrayascitta desa .
12. Yan sawa sangkaning salah pati, ulah pati, mati kapangawan minakadi salwir ipun desa tan nglarangin yan sawa punika tiniwaken premangke saha ledang sang madrue minakadi Ida Sulinggih sane pacang muput.
13. Yan wenten salah sinunggil sawa genahe seda sjabaning karang paumahan lwire ring tegal, carik, pura, pasar, banjar, sekolah, minakadi genah siyosan dudu karang paumahan yogya sang madrue wirange mrayascitta marisuddha genah punika. Yan sawa tan kapariangken genah punika patut kaparisuddha antuk sang madrue emponan.

### **Pawos 38**

#### **Indik Atma Wedana**

1. Sang sapisira hugi krama desa geliang yan kalaning ngatma wedana lwire : ngaroras, patileman, baligiatan tan wenang ngawangunang payadnyan petak ring palemahan pura kanghayangan siyosan.
2. Wus ngwangun karya atma wedana yogya karang payadnyan punika kapralina sakasep ipun 42 dina saking kayane.

### **Palet 4**

#### **Indik Manusa Yadnya**

### **Pawos 39**

1. Sang sapisira hugi krama desa geliang ngawangunang salwiring upacara manusa yadnya tan wenang magenah ring palemahan kahyangan panyiwian desa, yan wenten mamurug danda gung artha manut pangangan beras 50 kg.
2. Sane kalugra mawinten magenah ring pura sinalih tunggil sang sapisira hugi krama desa sane pacang keadegang pinaka pemangku, pinaka jan bangul Bhatara ring pura kahyangan inucap. Taler sane kehadegang pinaka prajuru desa wenang mawinten majaya-jaya ring Pura Desa desa geliang.
3. Indik manusa yadnya sane dados kamargiang sajroning Desa Adat geliang hugi sane nganutin dresta kuna minakadi sastra agama.

**Palet 5**

**Indik Bhuta Yadnya**

**Pawos 40**

1. Sajeroning Desa Geliang pacaruan manut hunggwan kalih sor lwire :
  - ha. Pacaruan Desa Sadha Kala
    - 1) Ring Catus Pata utawi pempatan agung kala dina tilem sasih kawulu caru panca sata.
    - 2) Ring dulun setra kala dina tilem sasih kasanga caru panca sata ngamasa-masa mabayang-bayang banteng.
  - na. Pacaruan desa padgatakala ri kala jagate kabrebehan, kageringan, kadurmangalan, katiben panca baya miwah sane siyosan sane patut caronin.
  - ra. Agung alit caru manut hunggwan pacaru, babuat pacaruan, kalih nista madya uttamaning caru
2. Pacaruan ring pura-pura kahyangan, pamrajan, dadia, salwire manut dresta pura soang-soang minakadi awig-awig gagaduhan pura hinucap.
3. Yan sinalih tunggil pura kahyangan salwire reneng pangodale tiga plabuh wenang prajuru desa mawawosin yan puput babawose yoga maguru piduka ngawit masasapuh mangda kasidan ngaturang pangaci-aci.



SAD SARGAH  
SUKERTA TATA PAWONGAN

Palet 1

Indik Rangkat

Pawos 41

1. Indik rangkat punika manut desa kala patra lan sima desa sane kapatutang tur katinutin antuk desa soang-soang tan singsal ring uger-uger panagara lwire:
  - ha. Papadikan
  - na. Ngarorod
  - ca. Ngunggahin
  - ra. Nyeburin utawi Nyentana
2. Sajeroning desa geliang indik rangkat ika yan sampun mawidiwidanan pawiwahan sanistannya mabyokaon tur malukat saha kasaksinin antuk prajuru desa, rangkat punika kasinanggeh puput palikrama.
3. Yan wenten anak istri krama desa geliang karangkat antuk sang sapa sira hugi lwih antuk saking dura desa yan kantos arahina ring awengi saking dina matinggale saking jumlah tan wenten pejati yogya sang madue wirange nunas kanti ring prajuru desa geliang, mangda ngemargiang sesrepan, yan sampun sinah genahnya ngraris kamargiang panegdeg tan kawasa makta sahananing sanjata saha nunas kanti ring sang amawarat.
4. Sang sapa sira hugi krama desa geliang yan krauhan tamiu praya masinutan mlarapan antuk ngrorod hugi mangda mesadok mihuningang ring prajuru desa, prajuru desa yogya maritetes yan sangkaning tan patut pamargin rangkateprajuru desa nguduhang mangda katur ring sang amawarat yan wenten mamurug keni danda gung artha manut pangargan beras 50 kg.
5. Yan wenten krama desa ngamet anak istri antuk mlagandang mamendet marikosa miwah salwiripun tan sangkaning sami demen tan yogya pimuput widhi widhana pawiwahannya sadurung wenten pamutus saking guru wisesa.

6. Yan wenten saking dura desa pacang muput rangkat kawewengkon desa geliang sang madrue wirang istri yogya nunas upasaksi ring prajuru desa geliang sinalih tunggil mangda wenten ngrahin.
7. Sang sapa sira hugi pacang muput rangkat utawi maserah yan saking desa geliang geliang patut nebas swaran kulkul manut pangargan beras 25 kg yan saking dura desa 100 kg, penebas swaran kulkul punika ngranjing ka desa geliang.
8. Yan wenten krama desa geliang ngamet anak istri pinaka rabi tan manut sima dresta minakadi sastra agama yogya katur ring sang amawarat mangda kabaosang saha polih pamutus.

## **Palet 2**

### **Indik Belas Makurenan utawi Nyapian**

#### **Pawos 42**

1. Sane kabaos nyapian punika sang palas merabian palas makuren sane sampun katiwakan pamutus antuk guru wisesa minakadi sampun kakerabang ring sangkepan desa geliang.
2. Yan wenten krama desa geliang ngrangkat sapian sadurung enem sasih utawi 210 dina saking dina palas yogya ngrangkatang sapian punika keni danda pakerang gung arttha manut pangargan beras 50 kg.
3. Krama desa sane belas merabi utawi makurenan sasampun polih pamutus saking guru wisesa patut masadok mihuningang ring keliang banjar mangda kadamyakang ring banjar lan desa sakasep ipun asasih saking palas.
4. Yan wenten anak istri wit saking desa geliang nyapian mawali ka karang deha yogya sang madrue wirang matur supeksa ring parjuru desa saha mrayascitta marisuddha anak istri punika. Yan tan kaparisuddha antuk wirangnya patut marisuddha raga mangda kasiddan nirmala.

**Palet 3**

**Indik Balu**

**Pawos 43**

1. Sane kabaos balu anak istri utawi lanang katinggal seda rabine.
2. Yan wenten anak istri utawi lanang balu keni paayah-ayah miwah wawijilan manut kawenangannya.
3. Yan wenten anak istri balu kandugi merangkat yogya rangkat punika kapuputang antuk wirang lakine rihin yan babalon punika kari pageh.
4. Mungguing wawenangan babalon lanang utawi istri ring indik wawarisan minakadi sane sios-siosan nganutin uger-uger sane karajegang antuk guru wisesa.

**Palet 4**

**Indik Santana**

**Pawos 44**

- (1) Sajroning Desa Adat Geliang ngarajegang pidabdab Santana kapurusa sidikara tunggal, paperasan tunggal dadya, tunggal sidikara, santana rajeg.
- (2) Sang sapisira hugi sinalih tunggal krama desa Putung, meras sentana, makedihang utawi nyerahang raga, yogya sangkaning radin, tunggal sidikara, tunggal dadya, saha polih palugrahan saking Guru Wisesa, kesiarang ring desa.
- (3) Santana rajeg inggih punika prasantana wadon utawi pradana sane ngamanggehang lanang utawi purusa.
- (4) Sang sane kaharsayang santana rajeg hinucap inggih punika :
  - ha. Prati santana wadon tunggal utawi salah sinunggil prati santana wadon yening makasami prati santana wadon.
  - na. Sampun kamanggehang dados prati santana purusa
  - ca. Sang sane ngamanggehang santana rajeg patut masadok ring prajuru desa mangda kadamyakang ring desa.

a) Indik meras Santana, makedibang utawi uyuk-stahang tapa, sasampun sangkaning radin, yoga kadulurit antuk upacara manut sastra agama Hindu, sakabwatun sowang, sinaksenan dening prajuru desa Gelang, nu kasarang ring desa, saba kapikakuhin antuk lekita sang amawa rat.

**Palet 8**

**Indik Wawarisan**

**Pawos 45**

1) Lwire sane wenang kawarisin :

ha. Hamong-amongan ring desa, ayah-ayahan saurah-arih.

na. Hutang pihutang sang ngawarisang.

ca. Saraja druwe, bhrana, tegal, carik, tatamiyan, sakanean kasugihan.

2) Sane wenang ngawarisin :

ha. Manut lalintih paprenahan adoh tampek saking purusa tunggal sidikara tunggal dadya.

na. Putra dadaman wiyadin putra paperasan.

ca. Santana rajeg.

ra. Sangkaning polih pitemes saking sang kawarisin sang madruwe salwir sane dados kawarisang, saking palugrahan Guru Wisesa, pinih akeh apahtigayan saking padruweyane maka piolah-olah pagunakayan.

(3) Sang sapisira hugi krama desa Gelang, yan tilar saking Agama Hindu, kiesah mawiwaha, prati santana purusa ngarangkat nyeburin sowang-sowang kabawos ninggal kedaton tan yoga ngawaris sane kamulan patut warisin.

(4) Ngedum warisan, kapatut pinih sor sasampun puput mahabenang sang ngawarisang bhrana kalih kasugihan punka. Sane dados dum, sajaba sane mangge padagingan pamgaci-aci, minakadi salwiring sane mangge piranti ngalaksanayang upacara Agama, pustaka-pustaka sane kapingitang salwir ipun.

**SAPTAMAS SARGAH**  
**Wicara Lan Pamidandha**

**Palet 1**

**Indik Wicara**

**Pawos 46**

- (1) Salwiring wicara indik pakraman, ring wawidangan Desa Adat Geliang, wenang rinawosan antuk Prajuru desa. Yan tan kasiddhan puput, Prajuru desa ngaturang ring Guru Wisesa, buwat matatimbang.
- (2) Yan wenten wicara indik pakraman ring banjar, tempek banjar, pamaksan, subak, minakadi sekeha-sekeha sawosan, yogya kabawosan antuk Prajurunya sowang, Yan tan kasidhan puput, wenang katengahang ka desa, Prajuru Desa yogya mamawosin.
- (3) Yan pamutus wicara sane katiwakang antuk Prajuru Desa Adat Geliang, tan katinutin utawi tan kahiring antuk sang mawicara, wenang sang mawicara nunasang pangrawos ring sang patut mamawosin, ring Guru Wisesa.
- (4) Yan sang mawicara taler tan tinut ring pamutus wicara sane katiwakang hinucap ring hajeng, prasidha sang mawicara tan polih panyanggran minakadi tan dados nganggen sapadruwen desa, kantos puput wicaranya, dosane mamandal ring desa.

**Palet 2**

**Indik Pamidandha**

**Pawos 47**

- (1) Lwir pamidandha sane wenang katiwakang antuk Prajuru Desa, Banjar, Tempek Banjar pakraman, pamaksan, sekeha-sekeha sawosan, sawawengkon Desa Geliang sakadi ring sor puniki  
ha. Dandha artha.  
na. Upasaksi, dewa saksi, pangrarata, sumpah.  
ca. Dandha panyangaskara, lwire : mrayascita, marisuddha, miwah salwir ipun.

Kasepekang, kaheludang.

a. Pamidandha sawosan manut palugrahan Guru Wisesa.

Katiwak pamidandha, manut hunggwan wicarane sowang-sowang, minakadi werat ring wicara hinucap, lwire

a. Yan wicara ring Desa Adat, yogya kapidandha antuk desa. Mungging dadandhan mantuk ka desa.

na. Yan wicara ring tempek banjar katiwakang pamidandha ring tempek banjar punika, dedandan mantuk ring tempek banjar

ca. Yan wicara, ring Banjar Pakraman, katiwakin pamidandha ring banjar ika, dadandhan mantuk ka banjar.

ra. Yan wicara ring pamaksan minakadi ring sekeha-sekeha sawosan, katiwakang pamidandha ring kuwu tempekanya.

Agung alit dadandhan, manut panglokikan agung alit werat ringan kasisipane, sane mungging ring awig - awig gagaduhanya sowang, minakadi paswara pinaka pamutus paruman.

Krama desa sane nenten nawur urunan miwah dedandhan polih petanggeh asangkepan lintang tigang rahina, prade ngalantur nenten katawur keni paningkel. Yening urunan wawangunan polih petanggeh ngantos melaspas lintang ring tigang rahina prade ngalantur nenten katawur patut keni panikel, yan kantos wetu wicara kabawosan antuk prajuru desa manut paswaran desa.

d. Krama desa sane nyelang druwen desa minakadi jinah ring Lembaga Perkreditan Desa, minakadi usaha sane siosan ring CBD, yan kantos wetu wicara, kabawosan antuk prajuru desa manut paswaran desa.

- (7) Awig-awig puniki kalingga tanganin antuk Prajuru Desa, lwire : Bendesa, Penyarikan, Patengen, saha kasarengin antuk petangan desa, kasaksinin antuk Kliang banjar Dinas, Prabekel Desa Pempatan, Camat Rendang, Kakukuhang antuk Bupati Karangasem.
- (8) Awig-awig puniki kalaksanayang ngawit dina Redite Wage 15April 2012 kantos salantur ipun.
- (9) Lwir sang ngalingga tanganin :

**PRAJURU DESA ADAT**



Petajuh,



**I GEDE MERTA**

Penyarikan,



**I NENGAH MERTAYASA, S.Pd**

Patengen,



**I NENGAH BAGU**